

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Broj: 07/2-05-3166/17
Bihać, 18.04.2017. godine

Na osnovu člana 140. Poslovnika Gradskog vijeća ("Službeni glasnik Grada Bihać", broj: 03/14), a u vezi sa članom 52. stav 1. tačka b. Statuta Grada ("Službeni glasnik Grada Bihaća" broj: 13/15), Gradonačelnik u svojstvu predlagača propisa i drugih akata

O d r e đ u j e

Izvjestioca dipl. pravnik Alisa Mahmutagić Načelnica Službe za opću upravu i mjesnu samoupravu, na sjednici 13. Gradskog vijeća i radnim tijelima po prijedlogu tačke dnevnog reda:

- Prijedlog Izvještaja o radu mjesnih zajednica za 2016. godinu

Gradonačelnik
Šuhret Fazlić

BOSNA I HERCEGOVINA
FEDERACIJA BOSNE I HERCEGOVINE
UNSKO – SANSKI KANTON
GRAD BIHAĆ
GRADONAČELNIK

Broj: 07/2-05-3166/17
Bihać, 18.04.2017. godine

Gradsko vijeće Grada Bihać
-ovdje-

Predmet: Prijedlog Izvještaja o radu mjesnih zajednica za 2016. godinu

Na osnovu člana 52. stav 1 tačka a), a u vezi sa članom 99. stav (1) tačka j) i člana 103. Statuta Grada Bihaća („Službeni glasnik Grada Bihaća“ broj: 13/15), dostavljam Vam na razmatranje Izvještaj o radu mjesnih zajednica za 2016. godinu:

O b r a z l o ž e n j e

I PRAVNI OSNOV ZA DONOŠENJE

Pravni osnov za donošenje predmetnog Izvještaja o radu mjesnih zajednica za 2016. godinu sadržan je u članu 99. stav (1) tačka j) i članu 103. Statuta Grada Bihaća („Službeni glasnik Grada Bihaća“ broj: 13/15), kojim je utvrđena nadležnost savjeta mjesne zajednice da podnosi izvještaj o radu (kvartalno i godišnje) Gradskom vijeću i godišnji izvještaj o svome radu, da predsjednik mjesne zajednice odgovara za svoj rad savjetu mjesne zajednice, a savjet mjesne zajednice Gradskom vijeću.

II RAZLOZI ZA DONOŠENJE

Gradsko vijeće, shodno odredbama člana 132. Poslovnika Gradskog vijeća Grada Bihać („Službeni glasnik Grada Bihać“ broj: 03/16), a u vezi sa članom 35. tačka c) Statuta Grada Bihaća („Službeni glasnik Grada Bihaća“ broj: 13/15), svake godine Zaključkom usvaja Izvještaj o radu mjesnih zajednica za prethodnu godinu. Kako je i ove godine Programom rada Gradskog vijeća Grada Bihaća za 2017. godinu planirano razmatranje Izvještaja o radu mjesnih zajednica za 2016. godinu, isti se stoga dostavlja na razmatranje i usvajanje.

III POJAŠNJENJE PRIJEDLOGA

Savjeti mjesnih zajednica su tokom prošle i ove godine, dostavljali svoje pojedinačne i godišnje Izvještaje o radu za 2016. godinu Službi za opću upravu i mjesnu samoupravu, koja je iz istih, izdvojila broj ukupno održanih sjednica savjeta i iste dostavlja Vama na razmatranje, a u skladu sa članom 103. Statuta Grada Bihaća. Neki izvještaji savjeta mjesnih zajednica su detaljni, sa dosta aktivnosti, dok su neki manje detaljni.

Izvještaje o svome radu za 2016. godinu savjeti mjesnih zajednica su bili u obavezi da dostave na unificiranim obrascima koje je utvrdila Služba za opću upravu i mjesnu samoupravu zajedno sa Službom za budžet i trezor, a koji su usklađeni sa Uputstvom rokovima i načinu podnošenja programa rada, finansijskog plana, plana poslovanja, izvještaja o radu i poslovanju i Metodologije za izradu programa rada, izvještaja o radu i poslovanju i drugih informativnih materijala koji se upućuju Općinskom organu uprave i Općinskom vijeću („Službeni glasnik Općine Bihać“ broj 16/09). Pomenuti izvještaji sadrže posebne podatke o realiziranim projektima iz oblasti infrastrukture, socijalno-društvene problematike, ekologije i kulturno-sportskih aktivnosti, te broj održanih sjednica savjeta mjesnih zajednica.

IV FINANSIJSKA SREDSTVA

Za usvajanje predmetnog Izvještaja nije potrebno angažiranje dodatnih finansijskih sredstava u 2016. godini.

Prilog: Izvještaj o radu mjesnih zajednica za 2016.godinu

Gradonačelnik
Šuhret Fazlić

Dostavljeno:
1.naslovu
2.evidenciji
3. a/a

Na osnovu člana 35. tačka c) Statuta Grada Bihaća, („Službeni glasnik Grada Bihać“ broj 13/15), Gradsko vijeće Bihać na 13. sjednici održanoj dana _____2017. godine, donijelo je

Z A K L J U Č A K

o usvajanju Izvještaja o radu mjesnih zajednica za 2016. godinu

I

Usvaja se Izvještaj o radu mjesnih zajednica za 2016. godinu.

II

Ovaj Zaključak stupa na snagu osmog dana po objavljivanju u Službenom glasniku Grada Bihaća

Gradsko vijeće

Broj: _____/17

Bihać, _____2017. godine

Predjedavajući Gradskog vijeća

Davor Župa

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK
Služba za opću upravu i mjesnu samoupravu

**IZVJEŠTAJ O RADU MJESNIH ZAJEDNICA
ZA 2016. GODINU**

Bihać, april 2017. godine

SADRŽAJ:

I UVOD	2 str
II AKTIVNOSTI SAVJETA MJESNIH ZAJEDNICA	3 str
III REALIZACIJA PROJEKATA I AKTIVNOSTI MJESNIH ZAJEDNICA ZA 2015. GODINU	3-4 str
IV ZAKLJUČNA RAZMATRANJA.....	4 str
V PRIJEDLOZI I MJERE ZA UNAPREĐENJA.....	5-6 str

I UVOD

Izvještaj o radu savjeta mjesnih zajednica u 2016. godini je zbir kvartalnih i godišnjih izvještaja o radu savjeta mjesnih zajednica koji su dostavljeni Službi za opću upravu i mjesnu samoupravu.

Prema popisu stanovništva iz 2013. godine Grad Bihać ima 61186 stanovnika sa prosječnom starošću od 38,27 godina, 18251 domaćinstvo te 25610 stanova.

Na osnovu usvojenih programa rada za 2016. godinu, 35 savjeta mjesnih zajednica nastojali su realizirati programske aktivnosti zacrtane svojim planovima.

Programi rada savjeta mjesnih zajednica realizirali su se u saradnji sa Gradskim organom uprave, JU „Zavod za prostorno uređenje“ Bihać i drugim javnim ustanovama, fizičkim i pravnim osobama, na području Grada Bihaća.

Financijska sredstva za realizaciju programa rada savjeta mjesnih zajednica su sredstva Grada Bihaća, viših nivoa vlasti, te donacije i sponzorstva fizičkih i pravnih osoba.

Uvidom u kvartalne i godišnje izvještaje savjeta mjesnih zajednica u toku 2016. godine, nadležna Služba je konstatovala da je održan veliki broj sjednica savjeta mjesnih zajednica, više zborova građana i radnih sastanaka. Savjeti mjesnih zajednica su za realizaciju svojih programskih aktivnosti iz područja: infrastrukture, sporta, kulture, brige o djeci, ekologije, socijalnog staranja o starim i iznemoglim osobama, obilježavanju državnih praznika, prigodnih datuma i godišnjica te dana mjesnih zajednica i ostalih mnogobrojnih aktivnosti iz područja društvenog života koristili planirana sredstva iz Budžeta Grada Bihaća i iz drugih izvora.

Savjeti mjesnih zajednica u 2016. godini su:

- identificirali probleme i potrebe građana u opremanju komunalnom infrastrukturom te prioritete u njihovom rješavanju, i upućivali zahtjeve: JU „Zavod za prostorno uređenje“ Bihać, JP „Vodovod“, JKP „Komrad“, „Elektrodistribuciji“ Bihać, Komisiji za sigurnost saobraćaja, Kantonalnoj upravi za inspeksijske poslove, Službi za komunalne djelatnosti, vode, zaštitu okoliša i inspeksijske poslove i Kantonalnom MUP-u,
- provodili aktivnosti na poboljšanju kvalitete stanovanja, zaštite okoliša i uređenja područja mjesne zajednice,
- utvrđivali potrebe i interese građana iz područja zdravstva i socijalne zaštite, ekologije, kulture, sporta i rekreacije, brige o djeci i informisanja građana,
- izrađivali prijedloge programa rada te iste dostavljali nadležnim službama na daljnje postupanje i po usvajanju provodili njihovu realizaciju,
- utvrđivali planove aktivnosti, financijske planove, te izrađivali kvartalne izvještaje o radu i dostavljali nadležnoj Službi.

II AKTIVNOSTI SAVJETA MJESNIH ZAJEDNICA

Aktivnosti i rad savjeta mjesnih zajednica ogledaju se u mnogobrojnim kontaktima, dogovorima i sastancima sa građanima mjesnih zajednica, Gradskim organom uprave Grada Bihaća, predstavnicima drugih pravnih osoba, državnih i kantonalnih organa, ustanova, institucija i dr.

Tokom 2016. godine provedene su aktivnosti na jačanju uloge mjesnih zajednica kroz rasprave sa organima mjesnih zajednica.

U 2016. godini vođene su razne aktivnosti u mjesnim zajednicama, kao što su: „Kompostiranje bio otpada na području Grada Bihaća“. U projektu učestvovalo je 9 mjesnih zajednica, a nagrađene su mjesne zajednice: Luke, Ružica i Pritoka.

Održan je sastanak sa predstavnicima UNDP-a i predsjednicima mjesnih zajednica Ripač i Zavalje, vezano za aplikacije mjesnih zajednica na Javni poziv za učešće u projektu „Jačanje uloge mjesnih zajednica u Bosni i Hercegovini.“ Nažalost nismo ušli u prvi odabir lokalnih zajednica u Bosni i Hercegovini.

U toku 2016. godine radna grupa sastavljena od predstavnika Službe za opću upravu i mjesnu samoupravu i Komisije za lokalnu samoupravu obavila je radne posjete u 14 mjesnih zajednica sa područja Grada Bihaća, na kojim su predsjednik i članovi Savjeta, imali priliku da u otvorenom i konstruktivnom razgovoru iznesu svoju problematiku uz prijedlog bržeg rješavanja nastalih problema.

III REALIZACIJA PROJEKATA I AKTIVNOSTI MJESNIH ZAJEDNICA ZA 2016. GODINU

Radi realizacije sredstava, namijenjenih u Budžetu Grada Bihaća za kapitalne grantove u mjesnim zajednicama, realizirane su aktivnosti od provođenja postupka javne nabavke do izrade zaključaka o isplati sredstava. U službi, su se obavljali poslovi koordinacije sa potencijalnim i izabranim izvođačima, nadzornim organima i predstavnicima mjesnih zajednica, te pratila realizacija projekata.

U mjesnim zajednicama u ruralnom dijelu Grada Bihaća aktivnosti predsjednika mjesne zajednice i savjeta mjesnih zajednica usmjerene su u obezbjeđivanje uvjeta za bavljenje poljoprivrednom djelatnošću (poljoprivredni poticaji: nabavka plastenika, apliciranje na javne pozive i oglase iz nadležnosti pojedinih ministarstava na Federalnom ili Kantonalnom nivou i dr.).

Osim poljoprivredne djelatnosti i u segmentu razvoja obrta (kućna radinost), turizma i ostalih djelatnosti nastojali su se stvoriti bolji uvjeti za život i ostanak građana na prostorima koji su nakon ratnih zbivanja jako slabo naseljena. Ovdje je posebno bitno spomenuti izuzetno veliko zalaganje savjeta mjesnih zajednica u povratničkim sredinama koji žele da se omoguće

bolji uslovi za povratak stanovništva, a posebno onih mlađe životne dobi. Stanju infrastrukturnih objekata u tim dijelovima Grada Bihaća posvećuje se posebna pažnja od strane savjeta mjesnih zajednica, te je zahvaljujući upravo njihovom izuzetnom angažmanu osposobljen veći dio uništene infrastrukture.

Tokom 2016. godine aktivnosti su bile usmjerene i na traženje mogućnosti za obezbjeđenje dodatnih finansijskih sredstava za izgradnju, popravku i dogradnju započetih investicija (putevi, vodovodne mreže, rasvjeta, rješavanje problema divljih deponija smeća, domova mjesnih zajednica i spomen obilježja).

U mjesnim zajednicama koje pripadaju gradskom području osim navedenih infrastrukturnih problema aktivnost se vodila na uređenju okoliša, rješavanju problema kolektivnog stanovanja, parking prostora, dječijih igrališta i sportskih terena kao i pasa lualica.

Posebno je značajno istaknuti zalaganje savjeta ovih mjesnih zajednica kako bi se obezbijedila sigurnost građana u prometu, a posebno djece školskog uzrasta.

Aktivnosti i problematika kojom su se bavile mjesne zajednice u 2016. godini prikazane su u priloženim izvještajima savjeta mjesnih zajednica (vidjeti prilog).

Zaključeno sa 01.01.2017. godine ukupna dugovanja prema mjesnim zajednicama su:

- Za rad Savjeta MZ-a 102.381,02 KM
- Za zakupine MZ-a 69.000,00 KM
- Za ostale naknade (struja, voda, smeće, telefon, gorivo) 88.291,60 KM

IV ZAKLJUČNA RAZMATRANJA

Aktivnost mjesnih zajednica u 2016. godini odvijala se u skladu sa ukupnom ekonomskom situacijom u Gradu i širem okruženju. Nedostatak finansijskih sredstava uticao je na izvedbe projekata u mjesnim zajednicama i odrazio se na ukupan rad savjeta mjesnih zajednica.

Tokom 2016. godine u odnosu na 2015. godinu, ostavku na mjesto predsjednika mjesne zajednice, podnio je predsjednik Mjesne zajednice Veliko Založje dana 14.03.2016. godine.

Predsjednik Mjesne zajednice Donje Prekounje preminuo je dana 16.12.2016. godine.

Ostavku na mjesto člana savjeta mjesne zajednice, podnijela su dva člana savjeta, Mjesne zajednice Pritoka dana 07.10.2016. godine.

O navedenom smo upoznali Gradonačelnika dana 02.02.2017. godine.

U radu mjesnih zajednica ispoljeni su problemi financiranja redovne djelatnosti, kao i materijalnih troškova predviđenih u programima mjesnih zajednica i usvojenih kroz Budžet Grada Bihaća za 2016. godinu.

Stvarni prigovori članova savjeta mjesnih zajednica vezani su za neredovne isplate naknade za rad, te neredovno obezbijedenje materijalnih troškova za normalan rad i funkcioniranje mjesnih zajednica (dopune za telefon i gorivo).

Iz pregleda aktivnosti savjeta mjesnih zajednica može se zaključiti da je većina mjesnih zajednica bila aktivna i da su ispunjavali obaveze utvrđene Statutom i drugim aktovima koji reguliraju rad savjeta mjesnih zajednica.

Najznačajnije aktivnosti predsjednika i članova Savjeta mjesnih zajednica odvijale su se u nastojanju poboljšanja života i rada. Pokretane su inicijative, rađeni programi i projekti i pripremana dokumentacija za rješavanje problema infrastrukture za poboljšanje života na prostorima mjesnih zajednica, za izgradnju spomen obilježja, dječjih igrališta, sportskih terena, škola, prevoza građana, opremanje i otvaranje ambulanti. Iniciranje izgradnje i aktivnosti na već započetoj izgradnji domova mjesnih zajednica je veoma značajno iz razloga što se na taj način trajno rješavaju njihovi prostori.

Osim navedenog i u toku 2016. godine aktivnosti članova savjeta mjesnih zajednica bile su usmjerene na rješavanje problema pasa lualica, kao i uključivanje u pomaganje socijalno ugroženim građanima, direktno akcijama građana ili iniciranjem drugim institucijama za pomoć.

Kao i u dosadašnjim analizama rada, ponovno naglašavamo neophodnost stalnog usavršavanja i edukacije članova savjeta mjesnih zajednica, što se u uslovima povećavanja broja i složenosti poslova koje im se nameću pokazuje kao imperativ.

V PRIJEDLOZI I MJERE ZA UNAPREĐENJA

Da bi se unapredio rad i aktivnosti savjeta mjesnih zajednica potrebno je:

- Raditi na edukaciji članova savjeta mjesnih zajednica.
- Uključiti Komisiju za lokalnu samoupravu za rad na terenu kako bi se zajednički sa savjetima mjesnih zajednica doprinjelo prevazilaženju problema koji se pojavljuju u mjesnim zajednicama.
- Kod kreiranja Budžeta uključiti prijedloge članova savjeta mjesnih zajednica, te projekte mjesnih zajednica uskladiti sa raspoloživim sredstvima Budžeta Grada Bihaća i Budžetima drugih organa vlasti, kako ne bi dolazilo do stvaranja nerealnih obaveza i kašnjenja u realizaciji zaključenih ugovora.
- Redovito izvršavati obaveze Grada prema Savjetima MZ-a po različitim osnovama.

- Održavati redovne kvartalne sastanke sa svim MZ-a u Gradu Bihaću, a po potrebi i češće.
- Razmisliti da se jedno lice u Savjetu MZ-e profesionalizuje te da se sva pripadajuća naknada za rad Savjeta dodijeli istoj osobi, a da ostali članovi rade na bazi volonterizma.
- U MZ-a gdje se plaća najam prostora potrebno je riješiti problem prostora uključujući i mogućnost javno-privatnog partnerstva.

Prilog:

- Pojedinačni izvještaji o radu savjeta mjesnih zajednica
- Tabelarni prikaz broja stanovnika MZ-a Grada Bihaća
- Tabelarni pregled ukupnih obaveza prema Savjetima MZ-a
- Tabelarni prikaz broja održanih Savjeta MZ-a i razmatranih tačaka dnevnog reda
- Mišljenje Službe za opću upravu i mjesnu samoupravu

Obrađivač:

Služba za opću upravu i mjesnu samoupravu

Odsjek za mjesnu samoupravu

Gradonačelnik
Šuhret Fazlić

**Tabelarni prikaz broja stanovnika po MZ-a Grada Bihaća
Prema popisu iz 1991 i 2013 godine**

r/b	Naziv MZ-e	Broj stanovnika 1991. godine	Broj stanovnika 2013. godine
1.	Bakšaiš	2218	2062
2.	Brekovica	2677	2004
3.	Centar	1371	1802
4.	Čavkići	1351	1185
5.	Donje Prekounje	2110	1852
6.	Gata	2264	1663
7.	Golubić	730	776
8.	Gornje Prekounje	3541	2468
9.	Harmani	5697	4524
10.	Hatinac	2289	1158
11.	Izačić	3201	2708
12.	Jezero-Privilica	3601	3201
13.	Kamenica	1309	1344
14.	Klokot-Papari	1293	1070
15.	Kulen-Vakuf	2107	675
16.	Luke	3093	3434
17.	Mali Lug	1248	1407

18.	Martin Brod	746	401
19.	Orašac	3036	1581
20.	Ozimice I	4928	6277
21.	Ozimice II	1956	2445
22.	Pokoj	1126	1482
23.	Pritoka	839	683
24.	Ribić	1767	1782
25.	Ripač	3001	1489
26.	Ružica	3452	2813
27.	Skočaj	412	78
28.	Sokolac	1176	991
29.	Srbljani	2830	2366
30.	Vedro Polje	679	694
31.	Veliki Lug	1820	2181
32.	Veliko Založje	403	211
33.	Vrsta	2118	1714
34.	Zavalje	302	107
35.	Žegar	790	558
	Ukupno	71481	61186

Izvor: Federalni zavod za statistiku

Napomena: Poredeći podatke 2013/1991 broj stanovnika u Općini Bihać manji je za 10295 odnosno 14,32%.

Obradivač: Odsjek za mjesnu samoupravu
Služba za opću upravu i mjesnu samoupravu

Tabelarni pregled planiranih i održanih sjednica Savjeta MZ-a
Broj razmatranih tačaka dnevnog reda, organiziranih mjesnih zborova i vlasništva nad imovinom

r/b	Naziv MZ-e	Broj planiranih sjednica Savjeta MZ-e	Broj održanih sjednica Savjeta MZ-e	Broj tačaka dnevnog reda na sjednicama Savjeta MZ-e	Da li je donesen program rada sa financijskim planom za 2016. god	Imovina u vlasništvu MZ-e	Organizirani mjesni zborovi građana	Komentar
1.	MZ Brekovic	9	8	32	DA	Dom MZ	NE	
2.	MZ Centar	11	11	31	DA	NE	NE	
3.	MZ Čavkići	6	3	20	DA	NE	3	
4.	MZ Donje Prekounje	6	1	4	NE	NE	NE	Neadekvatan smještaj MZ-e
5.	MZ Gata	7	7	24	DA	NE	NE	
6.	MZ Golubić	20	26	48	DA	NE	NE	Organizirano 15 akcija na uređenje obale rijeke Une
7.	MZ Harmani	6	6	19	DA	NE	NE	

8.	MZ Hatinac	12	12	38	DA	Dom MZ	NE	
9.	MZ Izačić	9	9	29	DA	Dom MZ	NE	
10.	MZ Jezero-Privilica	12	16	41	DA	NE	NE	
11.	MZ Kamenica	12	12	30	DA	Dom MZ	NE	
12.	MZ Klokot-Papari	6	4	15	DA	Dom MZ	NE	
13.	MZ Luke	12	12	41	DA	NE	NE	
14.	MZ Mali Lug	6	6	19	DA	NE	NE	
15.	MZ Martin brod	12	12	34	DA	Dom MZ	NE	
16.	MZ Orašac	6	8	28	DA	Dom MZ	NE	
17.	MZ Ozimice I	12	12	42	DA	NE	NE	
18.	MZ Ozimice II	12	12	38	DA	NE	NE	Neadekvatan smještaj MZ-e
19.	MZ Pritoka	6	7	28	DA	Dom MZ	NE	
20.	MZ Ribić	6	6	25	DA	Dom MZ	NE	

21.	MZ Ripač	12	14	44	DA	Dom MZ	NE	
22.	MZ Skočaj	6	7	24	DA	NE	NE	
23.	MZ Sokolac	12	15	40	DA	Dom MZ	NE	
24.	MZ Srbljani	24	34	90	DA	Dom MZ	NE	
25.	MZ Vedro polje	6	6	15	DA	NE	NE	
26.	MZ Veliko Založje	6	6	19	DA	NE	NE	
27.	MZ Vrsta	12	14	41	DA	Dom MZ	NE	
28.	MZ Zavalje	6	9	30	DA	NE	NE	
29.	Mz Žegar	12	12	31	DA	Stambeni objekt	NE	
30.	MZ Pokoj	12	12	26	DA	NE	NE	
31.	MZ K.Vakuf	6	6	21	DA	U okviru Doma kulture riješen prostor	NE	
32.	MZ V.Lug	6	7	24	DA	NE	NE	
33.	MZ Ružica	7	9	30	DA	Dom MZ-e	NE	

34.	MZ Bakšaiš	8	8	33	DA	Dom MZ-e	NE	
35.	MZ G. Prekounje	8	7	24	DA	Dom MZ-e	NE	

Uređivač: Odsjek za mjesnu samoupravu

Napomena: Za zakup prostorija za rad MZ-a Grad Bihać izdvaja 1.300,00 KM mjesečno, odnosno 15.600,00 KM na godišnjem nivou.